

常山貞石志

常山貞石志卷四

誥授朝議大夫直隸正定府知府今調廣平府知府前省大順廣兵備道沈濤讓

唐一

信法寺彌陀象碑

碑高六尺四寸七分廣三尺八分三十行行五十二字篆額有碑陰及左右側並正書顯慶三年四月八日立今在元氏縣治東北雲起寺

大像主雲騎□李令撫任州市承此行在額右旁正書

大慈應靈三彌陀聖碑

原夫有或染性之初無明住地之始家犬羸而易遣野
鹿柔而尚馴暨乎結賊締交俄成六十有二愛魔乘便
終為八万□千生死之業既殷輪迴之勞詎息攸攸□

趣積骨踰乎嵩華擾擾四生洩淚疑乎溟渤既橫流於
欲水亦奔駭於噴口殷憂期於啓聖拯溺在乎深仁若
乃五眼儼羅知見之功已大三身光被攝受之道斯因
藹藹園馱禪慧為其力用堂堂相好慈忍為其風骨畢
竟清淨識法海之常澈□性真明知佛曰之恒照何則
法本不然非雙林之所能滅空即是色豈千母之所能
生斯乃具相歸無唯識假有示變鵠而非去乘夢為而
無來故能奄有十方遂荒三界或權或實且俗且真□
智莫之闕容辨所不測豈與夫繡經演繇校其優劣者
哉是以龍鳥具瞻釋梵歸仰巍巍蕩蕩無得而稱至如
慧刃霜飛解凝脂之愛網智□風舉摧怖畏之坏餅遂

使閻主獨疾於身心難隨脫屣於妻子不其然歟信法
寺者比丘尼釋解□□所存也泚川灌其北叢臺踣其
南原野阡阡室宇膠葛士輟斷金之奇意女呈如玉之
華姿有列仙之遺風居全趙之勝地處窮巷而非隘迫
廊□而非誼不豐不陋□□不野合至道之要妙據方
便之岐剽說說法侶俗空水而去獲心濟濟仙僊擢虛
舟而昇慧岸清風將梵響爭流芳芷與香雲競馥夜鐸
吟鸞鳳之曲曉幡曳虹蜺之影徘徊四照含日露而揚
輝霍靡九衢掩蘭惠而矜色於是祁祁士女習習紈素
撞撞不絕□□相□咸淨七枝俱拍三毒解疑釋累叩
鴻鍾而不窮虛往實歸酌衢樽而靡竭雖目連馭儀而

改服斯擲聞或而歸皮無以過也

大唐均口造

物神功遐暢德澤共二儀潛運冥化與七曜齊光播五禮以移風扇六樂而成俗

太宗文皇帝重光御極體睿澂口始自憂勤罔群飛於海外賜之仁壽拯塗地於寰中旣裘板屋之酋入提封而請吏雕題鏤削之長款郊甸以相趨蠢尔三韓不供貢職肆鳥鏡於君主施鳩毒於口黎士口憂惶道路以目既輒納隍之慮爰奮赫斯之怒尔乃親因

廟略問罪遼東義勇爭先水陸齊舉柱國李口徵都維那飛騎尉口道頌台應募一百人等懷忠應募畜銳口口破組練之衣參熊羆之旅雖以王者之師有征無戰

而鸞薰有毒□或□凶逆乃同德同心願造弥随像一
鋪既而登之采以龜遊跨渤澥而天臨一戰塞旗凡□
水泮擒鑿齒於華野繳大風於青丘刻琬因於九都飲
驂聊於河渚元氏縣一百人等並推鋒於漂杵之地賈
勇於先鳴之晨廟丘山之隆賞預川坻之嘉會名節書
於王府勲庸被於管絃竟免毀於髮□終不離於霧露
豈□幽明叶贊神功不測者乎於是思報慈恩咸申本
頌儀求斑尔嗣彼優瑱摹寫真容極茲神變貞光共□
輪同照□□與菡萏俱青丹脣紺髮之表紫□白珂之
色丈六顯其尊儀一豪擄其勝相瑤池沆瀣既控法流
寶樹參差遂生淨果淩銜鶴奏□□吹而方清搖曳蛻

裳亂煙雲而且至皇皇侍衛旃檀為真實之林弈弈仙
宮瑠璃為正觀之地莫不親相增善結願往生低頭而
入正定舉手而成佛道趙州刺史李振長史潘祐司馬
韋愨並衣冠因胃嶽瀆英靈布四序之和風贊六條之
善政鈞距既設則下吏不欺驥足風驅則上京馳譽元
氏縣令李守節源流浩遠地望清華標格千刃漪瀾万
頃和如琴瑟簡類亨鮮水鏡為心冰霜成操琅琅高致
月旦與瓊珮齊聲亭亭孤竦歲暮將寒松比色不可得
而近不可得而踈寺主比丘尼通達上坐墨微都維那
真應真意等並渴仰大乘征營小罪合募人等咸口除
心垢耘耨身田莫不異口贊成口以隨喜惟懼柏薪交

謝舟經潛移形無常主生亦有崖不□鐫勒輝光□擗
乃為銘曰 寶相之相垂名之名惟悅惟忽非色

非聲不來不去誰滅誰生彼宅火宅斯域化城至矣能
仁猗嶷善逝救焚拯溺通幽起滯既達性源遂依□際
佛曰長朗魔軍□殲名都勝地列真攸託招提載起飛
薨綺錯更似菴園還同奈閣方傳法鼓恒流聖鐸明明
□帝光宅神州蠢茲荒卉不率王猷爰摠□豹屈于
青丘霜鋒輒舉渤澥安流無言不讎無德不報矧乃先
覺人天善道幽贊之功叶于□到儼求八絕慕茲□踞
神□抑抑寶相堂堂日華蓮淨豪流雪光池含瑤瑁樹
挺琳瓊淒清鶴奏搖曳蛻裳亶亶脩佐板栴良宰操勁

州志卷之四
□□□芳□苞□功□立勝因□在或□□□同歸法
海一舍虛假四相遷移寒暑遞進日月交馳流芳頌美
文不在斯式刊貞石永樹豐碑 前縣丞鄭萬英撰文

顯慶三年四月八日

右碑無書碑人姓名撰文者爲前縣丞鄭萬英兩唐
書無名題額右旁有正書一行云大象主雲騎□李
令撫任州市丞騎下一字泐當是尉字唐六典上州
有市令一人從九品上丞一人中下州市令丞各一
人唐會要垂拱三年二月上州置市令案此碑立於
顯慶三年已有州市丞之官知會要謂州市令置於
武后時其言不足據碑爲元氏縣一百人等應募從

征高麗事平還鄉中願造象而立太宗征高麗事見
舊唐書本紀及高麗傳又張亮傳云太宗將伐高麗
亮頻諫不納因自請行以亮爲滄海道行軍大總管
管帥舟師自東萊渡海襲沙卑城破之虜其男女八
千口所云水陸齊舉當卽指此又碑有刻石銘功之
語本紀云六月丁巳高麗別將高延壽等率兵十五
萬來援安市李勣率兵奮擊上自高峯引軍臨之高
麗大潰延壽等以其衆降因名所幸山爲駐蹕刻石
紀其功焉又高麗傳命中書侍郎許敬宗爲文勒石以
紀其功又本紀冬十月戊午次漢武臺刻石以紀功
德又碑有趙州刺史李振長史潘祐司馬韋慤新舊

唐書皆無名新唐書宗室世系表渤海王房有名振
者延州別駕爲渤海敬王奉慈孫與此名同當非一
人又元氏縣令李守節新書宰相世系表丹陽房李
氏有守節光化令爲衛景武公靖弟客師孫又東祖
李順房衡水令東王第二子亦名守節稽其時代皆
在此後

碑陰

八列每列三十行第七列二十
四行第八列十九行並正書

安泉寺 □ 惠端 都維那行滿 都維那三印 □ □

□ □ □ 維那 □ □ 尉張君 □ □ □ □ 趙君 □ □

□ 都尉張 □ □ □ □ □ □ □ □ □ □ □ □ □ □

騎都尉宋若通 騎都尉□□□□□□□□

□都尉趙繼伯 □帥騎都尉張士達 騎都尉范阿

六 騎都尉彭阿奴 騎都尉侯德武 騎都尉張八

王 騎都尉成文素 驍騎尉王□才 驍騎尉薛善

信 驍騎尉薛文則 驍騎尉殷阿道 □□□音鄭

仁壽 驍騎尉程仁基 驍騎尉褚趙盛 驍騎尉□

□□ □□□□□□ □□□□伏生 □□尉郝

作良

右第一列

驍騎尉吳君□ □□尉蘓公□ 驍□尉□山年

驍騎尉梅祖逸 驍騎□□君□ 驍□尉□師□

□□□□金剛 飛騎□□君相 飛騎尉□□□

飛騎尉張義雄 飛騎尉張文開 飛騎尉杜羊生

飛騎尉范君相 飛騎尉李阿□ 飛騎尉郭子盼

飛騎尉蕪土方 飛騎尉王行慈 飛騎尉范君懷

飛騎尉趙□□ 飛騎尉李四仁 飛騎尉李德

飛騎尉張君採 飛騎尉褚茂則 飛騎尉劉□恭

飛騎尉趙□□ 飛騎尉輔□□ 飛騎尉□□□

雲□尉王伏□ 雲騎尉李□□ 雲騎尉張懷相

右第 二列

雲騎尉□君□ 雲□尉梅清□ 雲騎尉孫四良

雲騎尉張維□ 雲騎尉李德□ 雲騎尉趙君盛

雲騎尉李□良 雲騎尉劉師□ 雲騎尉□□七

雲騎尉□□□ 雲騎尉張文岐 雲騎尉□□處園

雲騎尉成受園 雲騎尉解洛周 雲騎尉賈□□

雲騎尉施士能 雲騎尉李伯達 雲騎尉侯君貴

雲騎尉范伏護 雲騎尉張士信 雲騎尉賈阿政

雲騎尉賈君會 雲騎尉李君愛 雲騎尉李阿象

雲騎尉劉懷□ 雲騎尉劉伏□ □騎尉朱師贍

雲騎尉侯件良 雲騎尉張祖□ 雲騎尉□王仁

右第
三列

雲騎尉□□□袖 雲騎尉□□□仁 雲騎尉薛□□

雲騎尉□□□仁 雲騎尉李□懷 雲騎尉□李師

雲騎尉 蕪善惠 雲□尉□□愛 雲□尉□□□

維那解□ 維那呂祖倫 維那□才□ 雲騎尉張

延貴 雲騎尉趙法□ 雲騎尉趙□斌 雲騎尉鄭

雄武 雲騎尉張公仁 雲騎尉范□□ 維那張士

元 維那李師感 供養 雲騎尉□文達 供養 寺傍

老人周君政 飛騎尉李儒宗 維那李朝散 維那

劉□祖 維那成文信 維那孫肆良 □□□□□□

□□□□□□ 雲□□□□□□□

右第 四列

粟□馬□長幼等共施碑聽并龜 大施主范僧曠

□主大□馬□ 施主□□□□ 施主□善生 施主

□阿敬 施主馬相□ 施主馬孝□ 施主馬□□
 施主馬孝志 施主馬信伯 施主馬孝□ 施主
 馬榮仁 施主馬同喜 施主張□漢 施主□若德
 □騎尉李□□ 施主郭□□ 施主李君行 施
 主王善□ 施主安士榮 飛騎尉王興 施主郝文
 雅 施主王文才 施主陳雅搽 施主茹君道 施
 主范懷仙 施主郭□□ 施主□□□ 施主郭□
 □

右第五列

前鄉長馬師□ 施主□阿□ 施主□文徹 施主
 趙師仁 施主路師王 □主□相德 施主劉行德

施主張士□ 施主□君廓 施□李文威 施主

郭仁式 施主王英□ 施主宋士文 □善通息燕

□ 宋善通息德潛 宋善通息德表 維那褚君卿

維那李□約 維那海清之 維那張宝英 維那

賈君會 維那李四仁 維那蘇土方 維那劉伏奴

維那□受金 維那趙□盛 維那王伏□ 維那

□鐵彪 維那□□通

右第

六列

騎都尉□□□南山維那□□□ 大□□□□□

大施主賈□□ 施主張□妻般息 王仁妻趙息惠

□ 施主張孝言妻劉 息宗英妻甄妻郭 施主張

姓仁妻□息 士達妻郭息善□ 施主李士□妻□

息園□妻□ 施主宋君毗妻□息 □□妻□息

義□ 施主趙□同妻□ 施主張因傅妻□ 息□

息蓮才 施主趙孟良妻張 息他仁妻李 施主

□□□妻郝 □□□劉□□妻 張妻□息□□

施主張士約妻程 施主張士元妻趙 息山受妻趙

右第七列

維那楊□_下 維那□君□_下 □□□□_下 維那

□君□_下 維那□□□ 維那呂義妻_下 維那殷

□良妻_下 維那趙□ 維那□大通母□ 維那張

師□妻□ 維那張羅漢祖母□ 維那梅仁德母_下

維那殷□□ 維那李解脫母下 維那李緯母下

維那房□受妻下 維那牛元長妻王 維那取德

義母□ 維那□□如母宋

右第
八列

右碑陰題名可辨者一百二十餘人其中稱維那大
施主之類與他碑同惟第四列有稱寺旁老人者為
他刻所罕見

碑左側

六列每列
七行正書

□□□□□ 寺主楮□□ 上坐曇塔 都維那貞

□ 比丘尼□□ 施主趙善妻楮 施主杜處師妻

趙

右第一列

比丘□□□ 比丘尼貞□ 比丘尼貞訊 比丘尼

□□ 比丘尼豐光 比丘尼□威 比丘尼法意

右第二列

比丘尼真如 侍者惠智侍者阿□ 妹真德外生金

剛智 比丘□□□□ 比丘尼明進 比丘尼毛滕

比丘尼功德

右第三列

比丘尼文淨 比丘尼金剛藏 比丘尼貞淨 國子

博士張光雋 夫人路氏息建節 尉紹隆夫人殷氏

孫上 騎都尉君昉夫人張氏

右第
四列

維那張□母趙 維那蕪方母張 維那杜穎妻趙

大施主李馮胡妻 郝息子何息□仁 施主鄭士貞

妻方 樂鄉君蕪孫文達

右第
五列

元氏縣劉□□ 難及妻趙息伏相 施主陽曲縣令

謝 伯醜妻陳息件良 大施主殷元軌 妻范息貳

良 息件息六孫罔

右第
六列

碑右側

六行行字
不等正書

展媵趙氏

侍童法廣妹娥英德晟妻張氏

上劉勝夫人□氏 息□□義下

比丘尼□仙 飛騎尉遺將平鄉縣令李□成

比丘尼敬首 □□夫人□氏父郭子才妻李

比丘尼□崇□□□主比丘尼□□李貴昂妻郝氏

右碑兩側題名左側六列上三列強半比邱尼名下

三列爲婦女題名第五列有樂鄉君蕪唐六典云外

命婦之制五品若勳官三品有封母妻爲縣君散官

並同職事勳官四品有封母妻爲鄉君其母邑號皆

加大字各視其夫及子之品元和郡縣圖志山南道
襄州有樂鄉縣碑於縣名下不加鄉字其爲縣君無
疑

蘇伏奴造象記

記刻象座背面高二寸五分廣五寸七分八行行字
不等正書顯慶四年二月十七日造今在十經齋
顯慶四年二月十七日蘇伏奴爲亡過姑造像一鋪

右象本在元氏予訪得之攜歸供養唐以前造象予
所見無慮數百種大約爲其父母男女或追薦亡夫
而造至其爲舅姑者甚罕蘇伏奴獨爲亡姑造象可
謂能知婦道矣嗚呼孰謂金石之微不可見風俗人
心之大乎

梁侔造象記

託刻象座背而高二寸一分廣四寸四分六行行字不等正書麟德二年正月五日造今在仁和韓氏

麟德二年正月五日梁侔為亡息造像一軀合家供

養

開業寺碑

碑高九尺廣三尺五寸三十一行行六十八字正書飛白隸額有碑陰開耀二年二月八日立今在元氏

縣吳村

大唐開業寺李公之碑

大唐開耀二年歲次壬午二月乙丑朔八日壬申李公

碑并序 李尚一纂 武功蘇文舉書

夫八龍荀里榮問在於當年駟馬于門餘慶消於終古

亦有漢將軍之甲第磨滅成空魯司寂之華堂摧殘已
盡豈不以氾露緜忽陵谷遷移寂寂千載煙塵四合雖
復武陵洲曲時逢李衡之樹山陽苑中頗見嵇康之竹
竟未能激揚真界取大壯於龍宮欽崇妙境授全模於
象塔是用神居肅穆靈德支持經石盡而猶存與金剛
而不壞鞠遺蹤於茂草彼或未思攀勝果於堅林我誠
先覺開業寺者後魏黃門郎使持節衛大將軍陝州刺
史都督冀之瀛相殷五州諸軍事定州刺史尚書令司
徒公固安縣開國伯李公捨山第之而立也其地則前
臨漳水金鳳鳴光而振儀却負常山玉馬騰姿而絕巖
東瞻峻嶽宛若香城而接崇巖依然雪嶺蓋全趙之勝

地焉公諱裔字徽伯趙郡元氏人也珪璋盛德代資卿
相之林鍾鼎貴遊人負河山之氣便繁竹使入天門而
上八重密勿槐庭登太階而步三級朱輪趨闕拜天子
於南宮黃閣當備肅羣公於北里位望隆矣歡娛極矣
乃喟然歎曰假使門無萬石不能遣生滅之源家累千
金不能去吉凶之域以為同生者物異物者起生滯教
者方離方者會教挹三明而豁悟乘八八萃編正以虛
作公誤
求爰貶泰於豐家庶推煩於朽宅及其高臺未毀曲池
猶濬迴季倫之業作頡達之園昔我宴居今成法宇變
歌梁於月殿即下梵塵移舞觀於花臺還飄淨雪入功
德水波通西舍之池四禪之林影庇東隣之樹尔其考

輪奐度崇高或仍舊而標迹或惟新而廣制隨方投矩
基階因巨壑之形審曲裁規垣院取重巒之狀峩甍香
閣涌地神行窈窕禪樓中天化立千門遠闕當斷岫而
全開百楹危承隱連峯而半出垂珠綴玉日月迴薄於
山牕刻贊圖龍風雲吐納於巖棟優填靈匠盡變態而
無窮闔岫真容極尊嚴而有睥青蓮目湛猶縱觀於南
浮丹葉脣開似微言於西竺詭狀千名而競出殊名萬
計以爭陳觸類長之能事畢矣先是有沙門僧明曇寶
等並不知何許人屬魏氏之遷都隨孝文而戾止咸以
冥通勝範夙證良緣非聲聞乘是菩薩行洞機靈於物
表屈形相於人間覩茲頌力共謀經始當由道資冥助

故使天隆異人大矣哉諒福庭之最也于彼延昌之末
錫其偃角之名孝昌年際改為隱覺自魏應齊僧徒弥
廣德均鶩鶩數若稻麻泊乎周季道消芟夷像教斯廢
主之稱亂甚魔王之未降四章章華八藏之文咸淪汲
冢飛錫乘杯之侶悉陷秦坑遂使多寶湮沒支提廢毀
散給勲臣以充園第可為長歎息矣公之嫡孫嚴固安
伯祖元締感遺墟果蒙恩賜城侷越國淨王多後嗣之
家地擬齊厘晏子據先臣之宅既而蒼精失御赤運登
符大困妙有廣標靈刹慧日昏而還曙法流塞而更通
祖元復捨舊居而為淨城北堂安寢之處重扇園風東
閣招賢之所再流清明遂能上聞旒纁光動絲綸以公

淨業攸開更以開業為稱首俄而燬室云謝波旬縱慝
寰中法侶盡嬰塗地之灾海內仁祠多湮滔天之浸唯
此靈構巋然獨存因大聖之依憑威傾六賊賴諸天之
守護壞隔三災苟非至德通神奇工入妙其孰能與於
此也 皇明首出大拯橫流繫醉象而定昆陽斬毒龍
而清異野反淳風於上棊集甘露於中枝都畿壯而
帝服開國大淨而天冠敞蜂臺切漢方演化於時和風
剎臨雲尚韜名於朝命祖元第二子維摩武德年中趙
定二州別駕屬軋坤漸泰曦望初華攀龍之茂績既宣
展驥之休聲克著永言堂構題目闕如屢有申聞情逾
懇至重使澤流园地金輪轉北走之途 漢發紫泥銀

榜照東方之國粵以貞觀四年還賜舊額為開業寺也
上座圓徹寺主圓鏡都維那道英大德僧道寬智晉圖
一圓真道通慈倫道名等並董備戎範持護律儀騰逸
氣於三空汎仙舟於八解鳩摩羅什望景傾魂鷹門慧
遠聞風動色且夫難捨能捨達達字編人隆百代之基
從明入明君子積萬年之祚誠哉斯道信而有徵公第
五子子雄隨輔國將軍卒東將軍左金紫光祿大夫通
直散騎常侍驃騎大將軍儀同三司使持節豪州刺史
鴻臚卿進爵高都公河北道行臺兵部尚書曾孫緯
皇朝宗正衛尉司農三寺卿金紫光祿大夫荊州大都
府府長史幽州都督戶部尚書太子詹事懷洛蒲三州

刺史襲高都公緯弟俊 皇朝楊州大都督府兵曹參
軍汴州封丘易州易縣舒州太湖三縣令朝議郎行商
州司馬上騎都尉箕裘遙襲蕙苑而弥昌蔽冕相承
託檀波而轉盛大仙幽讚卿長則累業無慙夫覺顯仁
公侯則連華必復詎比夫謝家遺宅徒擬甘棠韓國舊
臺空傳酸棗而已但此寺爰初締葺迨乎崇麗公又發
園誓頌固微曠劫乃建豐碑將符錢鼎嗟乎十烏傾日
二鼠催季空留白凡之名未勒黃金之字俊第八子宣
德郎行本州錄事參軍事雲騎尉崇哲即公之園孫也
風神秀寔器業甄明發揮經史抑揚詞翰申鴻漸於上
藩屈鵬搏於中錄雖榮殊味萃編作牧塞禱之位未登

味萃編作牧塞禱之位未登

而仕必

必萃編無

還鄉衣錦之遊斯在欽惟舊德祗若先功

望鹿園而拜首登鷲山而禮足於是仰挹緇徒傍詢塋礎翦荒苔而相質允屬謀孫訪麗藻而披文無遺小子乃命從姪尚一製文焉尚一學謝探微詞斬析妙謝安庭序叨承白雪之篇韋孟宗誕敢述彤弓之詠庶使家風入偈抗佛去以飛英祖德惟真積僧祇而不朽重宣此義乃為銘曰

羨哉東墅免乎西第榮觀一時湮沉千歲邪山易擁愛河難濟徒徇假名竟迷真諦

其

達人藹藹情洞如如爰

推別業式建精廬跨谷弥阜乘危躡虛傍通碣館直扞

漳渠

其二

凌雲之構

構萃編無

匪日而就廣制弥新崇基即舊

此檐吐嶠鳳 薨銜岫月落上楹星迴中雷其有周滅德

忘弄真寶瞻瞻萃編彼伽藍咸成鞠草泊于赤帝紹隆

園道弊風一革慈雲再造其漢東塵走燕南狼藉毒被

王城災延帝石四魔怙亂三垂泯迹獨此招提居然不

易其功符化造事叶神憑妙物凝粹真人效徵 皇家

鳳舉 帝室龍興一戎庖定五濁攸激其法門既闢淳

淳萃編源載返道賁芴山恩孚柰苑鷄峯勿積鶴池波假

地絕風塵人多林遠其七州論德四壯壯萃編標榮猶嬰

有待豈悟無生我祖騰懿天師配明遠因梵筆永播家

聲其

右碑為歐趙陳三家所收寰宇訪碑錄金石萃編皆

見著錄而並遺其碑額及陰今據石本校正萃編誤者三字又補萃編所缺者五字萃編謂李尚一篡蘇文舉書在次二行今以石本審之卽在第一行李公碑標題之下萃編之言誤也此碑首行書年月日李公碑標題之有年月實創見此碑文乃敘李裔捨宅爲寺其子孫修建之事尚一見兩唐書李又傳及新書宰相世系表趙郡李氏西祖房表載後魏趙郡太守延北史李孝伯傳作誕三子建連北史孝伯傳誕四子建連龜裔爲龜之孫尚一乃連之後父大智新政令生子三尚一尚貞博州刺史又字尚真中山貞公碑爲裔孫崇哲所立據碑文尚一爲崇哲從姪世系表不載緯弟

俊俊子崇愆名而以尚一兄弟爲緯之姪誤舊書李

父傳父本名尚真

新書字尚真

趙州房子人少孤與兄尚

一尚貞俱以文章見稱尚一清源尉早卒尚貞官至

博州刺史兄弟同爲一集號曰李氏花萼集總二十

卷蘇文舉無攷元和郡縣志恒州元氏縣有開業寺

在縣西北十五里卽後魏車騎大將軍陝定二州刺

史尚書令司徒公趙郡李徽伯之舊宅也今寺在元

氏縣城西二十里吳村王氏疑卽樂城之開業寺者

誤碑云裔字徽伯趙郡元氏人攷元氏縣宋以前皆

屬趙州至宋始割隸真定裔魏書北史皆有傳傳欽

裔歷官與碑大略相同惟贈官碑作五州傳作四州

而無相州碑有衛大將軍北史作候衛大將軍魏傳
無侯字與碑合又北史裔傳稱裔子子旦弟子雄魏
書本傳稱裔子子直襲爵而無子旦名直字當卽旦
字之誤子雄北史隋書皆有傳隋書作李雄無子字
蓋因別有渤海裔人李子雄同楊元感反被誅附元
感傳故此去子字以別之也新唐書宰相世系表亦
無子旦碑云公第五子子雄知裔不止二子史皆失
載又碑稱公嫡孫襲固安伯祖元祖元第二子維摩
武德中趙定二州別駕史並無名北史裔傳裔爲陝
州刺史周文帝攻剋州城見害子子旦襲據此知祖
元爲子旦子無疑碑敘子雄隨輔國將軍平東將軍

左光祿大夫通直散騎常侍驃騎大將軍儀同三司使持節豪州刺史鴻臚卿進爵高都公河北道行臺兵部尚書而史但稱其拜鴻臚卿進都高都郡公爲河北道行臺兵部尚書而已此可補史文之略又碑有裔曾孫緯緯弟俊俊第八子崇慙史皆無名緯見宰相世系表爲子雄第二子公挺次子官戶部尚書俊父子世系表失載又碑有上座圓徹寺主圓鏡都維那道英大德僧道寬等諸僧名六典祠部郎中員外郎掌僧尼道士之籍凡天下寺總五千三百五十八所三千二百五十所僧一千一百一十三所尼每寺上座一人寺主人一人都維那一人

碑陰

上截書象六題名七行正書下截宋人題名五段第一
一段八行行書第二段二行第三段四行左行第四
段五行並正書第五段三行行書

沙門曇朗供養 沙門曇寶供養 宣寺沙門僧明供

養 建伽藍主陝州刺史司徒公李徽伯 息徐州刺

史北海郡守子旦 息豪州刺史兵部尚書子雄 園

孫行本州錄事參軍事崇慈

右並書象
在上截

余宣和三年挈家遊封龍值雨泊承天寺 三 即能仁寺

也姪鼓年同來元氏鄭昂德敬書

孫明之宋道明同來崇園甲申三月望日

右二段在畫
象下右方

五日題

佛舍元祐辛未陽月念

之沿檄過此同宿承天

濟南李致至道王亢退

右一段左行在鄭昂題名下左方與孫明之題名並

大名孟川至林東吳錢賓國揚庭泌織事過承天觀蘇

文舉書甚得心畫之妙因留題碑陰大觀庚寅中春七日寺主圓

仙摸刻

右一段在孫明之題名下中間

觀此碑宣和庚子仲夏辛酉

鄭圃曹唐老檢視稿苗合

浚都劉子野鄴下徐孝先

右一段左行在李致題
名下孟川題名之左

右碑陰上截畫象六題名七行象左右各三左爲李
徽伯父子皆衣冠西向徽伯手執蓮花子且執笏于
雄右手執一物不可辨銜名四行徽伯稱建伽藍主
末一行爲徽伯園孫崇愆銜名右爲沙門僧明等三
人象手執蓮花束向題名三行皆稱沙門某人供養
惟左一行僧明稱置寺沙門蓋皆後魏孝文時人事
詳碑文中此下截題名五段元祐辛未崇剛甲申大
觀庚寅宣和庚子宣和三年各一此各就其所題之

上下錄之故不復以年代次第元祐辛未李致等題
名稱沿檄過此同宿承天大觀庚寅孟川等題名稱
沿職事過承天觀蘇文舉書宣和三年鄭昂題名稱
承天寺卽能仁寺據此知開業寺在宋又有能仁承
天之稱矣諸人皆無攷書史會要有鄭昂字尚明福
州人善筆翰嘗撰書史二十五卷與此是兩人又李
致等題名末書元祐辛未陽月念五日題亭林謂以
甘爲念始見於此楊用修謂甘字韻書皆音人惟市
井商賈音念而學士大夫亦從其誤者也又宣和庚
子仲夏劉子野等題名稱檢視稿苗全觀此碑案宋
史徽宗本紀宣和二年無真定旱之文當是元氏一

縣之災故史不書耳

趙仁珪造釋迦象記

記刻象座正面高九寸廣三尺五分三十一行行字不等行書年月缺今在晉州

上 缺 口 灾 羽 廿 口

上 缺 口 趙 仁 珪 口 口

上 缺 城 令 南 陽 白 水

上 缺 口 曲 陽 之 素 梓 口

上 缺 口 口 口 口 隨 利 州

缺 馬 祖 諱 口 口 宗 隨 蜀 王

上 缺 父 諱 讓 皇 朝 朝 敬 郎

缺 府 功 臣 妣 劉 氏 口 唐 櫬

上 缺 維□且夫天道

上 缺 谷有之遷變□□莫

缺 豈威威神之力哉是知妙法之

缺 淨悟福因之可託上為 天□

缺 法界七代先亡及□□敬造釋

迎石像一鋪在本村東一里□□

□□壁之區宇也而前即念德

上 缺 □官却際丘壠崎嶇□□

上 缺 □途之廣□□□ 缺

率頓□之商車□接□□

下 缺

□□□卅二之毫相八十種之握

□□則理邃幽道□冥

□希夷宇宙之外化兩儀而

獨尊非有非無豈□德之

缺測不生不威詎庸鄙之

所知聊且略以言詮未可窮

之於短筆

去

□高祖姑智岸念德

寺主曾姑極智深念德

寺主相姑智功念德寺

主堂姊智園念德寺尼

缺

□果念德寺尼妹妙

缺

右記後題念德寺尼名凡六人第五行有念德寺尼
妹妙其名第二字當在末行上端今殘缺諸尼或稱
高祖姑曾祖姑堂姊及妹蓋皆象主趙仁珪之親屬
也念德寺正定府志晉州志皆不載記云敬造釋迦
象一鋪在本村東一里

缺四

壁之區字也而前□念

德據此知象不在念德寺而寺亦與所居相近案州
志趙莊村有石佛寺趙莊疑卽仁珪所居之村寺卽
因其所造之象而得之記上截尤殘泐故紀元年月
皆缺趙仁珪新舊唐書無名記敘其高曾祖父銜名
惟其父名護可辨其餘名並殘缺第三四行有城令

南陽白水六字曲陽之桑梓五字當是敘其曾祖官
位城上字缺知其嘗爲縣令若縣名則不可攷矣記
稱其祖仕隋則其高祖當是北齊後周間人元和姓
纂中山趙氏稱本自天水徙中山曲陽今定州鼓城
縣周信州長史趙達孫協生實符實符生不器不器
生夏日和璧冬曦安貞居貞葉貞顯貞兄弟七人舉
進士又協孫有大疑不疑鼓城卽今晉州則仁珪當
是其族第五行有隋利州三字第六行第二字似馬
字當是利州司馬六七行有祖諱□□宗隋蜀王下缺
隋書文四子傳庶人秀高祖第四子開皇元年立爲
越王未幾徙封蜀案隋制國王至子男九等爵各置

官屬有差此已殘缺不能定其爲何官矣又記云父
諱護皇朝朝散郎口府功臣案唐初有太原元從西
府功臣府亦作秦新唐書高宗紀總章元年四月庚申
以太原元從西府功臣爲二等是也其後又有唐隆
功臣然未嘗賜臣下爲號至開元間始賜號開元功
臣代宗時有寶應功臣德宗時有奉天定難元從功
臣之號此刻府上字泐微辨之似西字疑卽西府功
臣然則護乃太宗爲秦王時之府屬僚吏矣記旣缺
其號年因護係西府功臣又記中十一行有上爲天
皇云云案高宗武后稱天皇天后在咸亨五年八月
壬辰是日卽改爲上元元年據此則象當造於咸亨

以後

八都壇神君實錄

碑高六尺一寸七分廣二尺六寸六分三十一行行
四十四字正書隸額垂拱元年十月一日立今在元

氏縣舊城
城角兒村

大唐八都壇神君之實錄

昔唐堯氏作□有與方晉卿族興裂為趙國□□□

□□□□□□□□□□祠宮跨南垂而臨北際業希隋

時古木十圍□亞仙公幽靈八座精義而入相兆於儀

形妙物□□□□□□□□八都壇者都望八山之始壇

也此地名山封龍之類有人因壇立廟遂為号焉親親

之道或謂昆季則檀□□□如桂有叢連塋徼塞于庭

之畔方丈之地八樹星羅閒踈然見同氣長幼之象然而深根固本龍盤武據建殖時代人莫能知驗其磊落多古殆萬年也蓋棟宇未作靈祇之所憑焉氣色青葱狀煙霏于霧籠馨香酷烈若蘭時于萊卸左車降生之地休蔭園多漢明載誕之城芳猷允塞豈徒川原之上祇稱明淨而已哉昔漢光和中州將馮氏敬而不怠穀至兩錢感恩立銘盛績猶在白茲口後鮮或能繼雖明時聖日久屬昇平而旬雨谷風頃乖期候或螢鳥符出商羊屢舞願畢昂之分野同壽春之東西九年之歲汲汲於餽口萬人之衆敖敖以口心獨我開亭不減平素匪惟神助亦在人囡囡之而誰可得言也時令蕭侯梁

後口之幼孫陽羨公之愛子金陵地業夙著盛名玉樹
時英少歸雅望禁衛祗寵期黑頭以為公數奇不調將
白首而作宰安此下人頌聲載路丞薛惟御曾祖暉列
棘周代大父約剖竹 皇家君之降生衆推必復青雲
自遠貳翔鸞於斗城非罪而來助剖雉於子邑主薄趙
延慶體良魁梧識度夷曠久而益敬考若芝蘭仰之弥
高邈如雲漢左尉司馬園同器宇幽深學術該贖何思
何慮通鬼謀於掌握園之又園窮道源於脣吻此等官
屬實曰循良僻人為龍如鸞佐鳳聰明正直道合於神
蘋蘩藟藻感而必應井邑之地水旱無虞疆里之間稼
穡獨茂甫田歲計 家積千箱樞畝餘資周給壹郡就

家福祐更表休徵嘉禾白鳩往往間出殊根會蒂示同心也雪羽霜毛旌潔白也酒食宴樂穆將愉予未央暉光日新懋紛紜而何極隣城以之健羨臺府由其籍甚禋祀相望掃除不日刺史馮義故御史大夫安昌公之子也六藝俱學于何不長人體論功斯焉特妙褰帷露冕不墜家聲日滯摧豪以為己任下車未幾親行禮秩簠簋始奠雲滿四郊舞詠未終澤洽千里司馬雲陳有清勿之才負邦國之譽非其不可所寄無憂嘗以龍見密雲邇積整紆鶴履明德是歆曾不崇朝滂霈而返司法叅軍陳鼎量家保太丘之道宦得于公之名俎豆之間知其可任其後徵早又令構謁曲加獎旃願走為

文不以人廢言亦應時流溢凡數齊告而屢有年八縣
空倉壹朝重實皆可案覈而敢公言只如呼木扣藤沐
蘭馬藻日有萬計頽無壹違可得而聞不可得而說也
神之隣里鄉黨列於禪陰者叁拾口人並地望時維耆
年宿德每有邀福常雨與祭荷明神之重施欲古厲之
增修聞伺農隙率先人頽以番拱元年十月一日依洪
洞故事而興版築長垣百堵煙雲相連迴廊四注陰陽
不測大廈中起巍然若扶幽邃窈窕不可談悉於是繪
事入山署置叁面千巖萬壑宛在目前想宣父之名丘
思啓母之焉石琢磨琬圓放象體勢方面列蕊斑白有
厚光流聲殿之社從此而歸骨青耳細之竒望之如在

巖巖焉森森焉人莫敢視。周訪之能安寢乎事畢功
圖既而骨悅披文相質方議雕鏤忽有得神古碑有額
無須規矩裁制則光和碑之元偶也嗟呼人懷陵谷之
慮兩地不孤神知修復之期千齡繼出氣衝積雪動如
埋。光照叢臺終同返璧宰君重其神應嗟玩久之謂
余曰抱璞俟時豈無人之別玉闕文有待蓋知來之如
今其漢碑之建立也方伯馮公在位左尉樊君撰文此
時也刺史又馮君居右局神意人事余知之乎元質肆
拾無聞壹命而仕地孤鼎氣家累玉山承乏末察名何
足數雄文。馬有硯於當仁吉事惟先不遑於置思直
書其事焉敢論文勒為寶錄樹之於右蕭公結構簡貴

筆無妄□崇重明神教恭繕寫鈎迴電轉金曜星繁庶
以羨揮幽明暎澈今古頌八君保又俾萬代垂光名之
揚予德之至神之來予此無愧士之安予岳之列若有
人予斯不滅為榮觀予□可閱

石碑歐陽氏集古錄陳氏寶刻叢編皆著錄河朔訪
古記云入都神壇在縣西故城西門外天下碑錄有
漢入都神廟碑在鎮州元氏縣西北二十里廟壇下
光和中立寶刻叢編引訪碑錄同漢碑今佚不可得
據此碑知唐時漢碑尚在碑云披文相質方議雕鎔
忽有得神古碑有額無頌規矩裁制則光和碑之元
偶也又云招璞俟時豈無人之別玉關文有待蓋知

來之如今據碑云云似漢碑本有額無文今此碑製
作甚古額上銳如圭形有穿在碑額下十五十六十
七行第五第四格上碑惟漢刻有穿此刻疑卽漢碑
故石當是原石字多漫漶蕭令不察遂謂漢刻無文
及元質文成磨隴漢石刻之並題額亦遭剗毀耳撰
文人名元質而不著其姓碑云元質肆拾無聞壹命
而仕又云承乏末寮名何足數又云漢碑之建立方
伯馮公在位左尉樊君撰文此時也刺史又馮君居
右局案唐制諸州上縣有尉二人從九品上元氏在
唐隸趙州爲上縣例得置左右二尉碑歷敘元氏令
丞左尉而不及右尉知兩時爲右尉者卽元質也君

居右局句可證碑云八都壇者都望八山之始壇也
此地名山封龍之類有八因壇立廟遂爲號焉案八
山之名見於漢碑及地志者五曰三公曰封龍曰無
極曰白石曰靈山又祀三公碑之御語山疑卽六名
山之一見白石神君碑跋其餘二山無攷又碑云時
令蕭俟梁後曰之幼孫陽羨公之愛子後下一字泐
當是主字疑卽後梁後主蕭琮也案北史蕭琮傳不
言其有子幾人惟云子鉉位襄城通守新唐書宰相
世系表齊梁房琮子亦止載鉉集州刺史其餘子孫
多不見又後周書蕭祭傅歸子瓌封義興王有傳附
後云瓌字欽文歸第三子位至荊州刺史隋師至瓌

奔陳授侍中安東將軍吳州刺史陳亡吳人推爲主
戰敗伏法案陽羨在梁陳間爲義興郡附郭縣隋平
陳郡廢改陽羨爲義興縣唐武德七年於義興置南
興州並析置臨津陽羨二縣八年州廢省陽羨臨津
以義興屬常州所云陽羨公豈武德七年復置陽羨
縣耶抑係後梁蕭琮諸子曾爵此土耶其名竟不可
攷又碑稱侯有禁嚮袂寵之語知侯以貴主婿出宰
元氏攷新唐書公主傳世祖一女高祖十九女太宗
二十一女高宗三女下嫁蕭氏者惟太宗女襄城公
主爲蕭瑀子銳所尚銳卒更嫁姜簡永徽二年薨武
后稱制以前蕭氏自銳外別無尚主者或係郡縣主

瑁亦未可知碑又云丞薛惟節曾祖暉列棘周代大
父約剖竹皇家後周書後梁有薛暉河南人附蕭啓
傳蓋卽其人暉有六子本傳僅見其二皆不名約而
兩唐書亦不見薛約之名惟宰相世系表薛氏南祖
房平陽郡公嵩之五世孫名約時代遠隔絕不相蒙
特名姓相同爾趙州刺史馮義碑言其爲故御史大
夫安昌公之子攷安昌公當是馮長命張說集馮昭
泰神道碑大父尚書左丞檢校御史大夫少府監楊
州長史安昌公長命以佳吏之名勤勞王室考仁高
亮無祿子道不究故公幼而襲安昌公焉義當是仁
之弟惟元和姓纂載長命生義因禮本昭泰碑謂昭

秦之父名仁疑仁亦兩字命名碑或省其一耳若義
本名義因而此碑止稱馮義者當是避孝敬諱而然
碑又有司馬雲暕元和姓纂云雲縉雲氏之後望出
定興唐有右武衛大將軍歸德公生師德師端師德
右威將軍生因善因暕因善駕部郎中因暕主客郎
中暕疑卽因暕亦以避孝敬諱故省因耳此更可爲
馮義卽馮義因之證又碑云蜚鳥口出商羊屢舞案
山海經云枸狀之山有鳥焉其狀如雞而鼠尾其名
蜚鼠見則其邑大旱案說文篇韻蜚鼠之蜚當從鼠
此本山海經從虫蓋假借字耳

常山貞石志卷四

常山貞石志卷五

誥授朝議大夫直隸正定府知府今調廣平府知府前署大順廣兵備道沈海漢

唐二

開元寺三門樓石柱刻經造小并柱主題名

三門樓頽廢已久僅存石柱十二枚及中大山門中
間大門柱上橫梁一橫梁一丈六尺三寸一分廣一丈
二寸二分南面刻字柱高
每面約廣一尺二寸不等刻經文佛像及門樓柱
主象主經主姓名每柱或刻一二三四面每面或作
五六七層分刻不等字多正行兩體書其上佛像經
文皆非一時所刻有號年者惟田伏寶多心經以乾
元元年四月李思太妻趙二孃多心經以乾元元年
四月節度隨軍攝臺城縣令張遠等題名以元和九
年七月李育三門樓讚以大國十二年六月據讚稱
三門樓創造於如意年間今橫梁刻有大周并武后
所製字因總編次於武后僭改國號之後其中有號
年者亦不復析出從其朔也至於每段書體行數以
及人地官名有常攷者並分注於每段每面每柱下

先之以適南三柱中間次之適北又次之每四柱則以中間兩大門柱為主然後自東及西次第伴繫俾覽者連類及之便於詳檢焉

大柱主杜世雋等題名

第一層行數
數不等正書

大柱主杜世雋妻胡行大字 息才智妻劉 女阿二

以上二行一列 在世雋下方 智息思誨 智女大娘 女三娘

女五娘 女七娘 女八娘以上六行一列 智息解

慧寺僧普明以上一行在世雋下方 一字與息才智字並

劉神縱造象題名

第二層刻佛象題名在象右 旁住棧三行左右正書

家供養

山劉神縱合

大功德主中

劉神縱妻李氏等題名

在第二層佛象左旁
柱棧上四行正書

縱妻隴曲

李氏供養

宗妻李氏

供養

右題名有宗妻李氏供養宗卽劉神縱子歸宗也見
下層題名及此柱西面第一層三門柱主題名內

佛說般若波羅蜜多心經

第三層十六行
行二十字正書

經文不錄

息歸宗歸真供養

一行正書在經
右旁柱棱上

佛象

第四層
無題字

般若波羅蜜多心經

第五層十六行
行字不等正書

經文不錄

功德主李龍題名

第六層刻佛象題名在佛象
右旁柱棱上三行左行正書

男太子

李龍

功德主

龍妻吳題名

在第六層佛像左旁
柱棱上二行正書

龍妻安陵

吳

右佛象右旁柱棱題名三行左讀男名太子女名某
妃唐以前石刻多有之安陵縣隸河北道德州見唐
書地理志○以上大柱主題名一層佛象三層一層
無題字多心經二卷二層凡六層在迤南門樓中間
大門東首柱上向南一面

三門主劉承恩等題名

第一層十行行字不等行
書三門主三大字正書

三門主一行居中
在題名上

汾州崇儒府左果毅劉承恩妻段息兩軍 邢相子王

□□威張妻威息□太妻息阿誨女嚴淨

前版授欽州九隴縣令後授金州司馬馬師言妻周息

思憚任原州□□思義□息思旭妻蘇旭息遊彥

劉神縱妻李息歸宗息歸真女滕兒 王受仙妻息嗣

宗 宗□重古

張大園妻李女大娘 靳迥照妻周息洪則息元誨則息

承仙

郭買奴妻梁息嘉貞嘉賓 周九郎妻息元忠息洪掛

息仲仙

侯仁亮妻范女二娘 李義哲妻 徐文貴妻 侯義

礼妻

孫思陳妻王妻母吕息歡喜

郭鳳祥妻武女光兒

安謹節妻曹息嘉祥息嘉順女娘子女寶兒

甄思貞妻侯姪男明惠

彭山受妻馬息洪攬妻息

洪顛妻攬息祭太

息福册攬女四娘

女六娘彭山受以下四行在

張穎妻息阿遙妻遙息

雲騎尉進慶妻息小曲 女七娘

進士李思盛妻進士文禕

鄭妻禕息子罕息子固女四

娘五娘 李伏寶妻息

行感妻感息思益息僧

道深息元過感女阿婁

女惠歲女光兒張穎以下八行一列在第三行劉神縱十行執思貞下

右題名有汾州崇儒府左果毅劉承恩案新書地理志汾州府十二有崇德而無崇儒新書地志於軍府

之名漏畧者甚多此其一也舊書職官志云諸府有
左右果毅都尉各一人又兵志云太宗貞觀十年更
號統軍爲折衝都尉別將爲果毅都尉諸府總曰折
衝府凡分天下十道置府六百三十四新書作六百
通攷作五百七十四皆有名號而關內二百六十有一皆以隸
諸衛凡府有三等兵千二百人爲上千人爲中八百
人爲下府置折衝都尉一人左右果毅都尉各一人
又第三行題名有劉神縱其名已見前其他字體之
別者如儒從彳猶沿北朝之習

史威武等題名

第二層六
行行書

史威武妻温息守一妻趙一息行

質妻田一息澄虛觀道士至寂

版授異州長史彭震信妻周

息阿毛妻高息士應妻劉應息

奉景毛女樹兒 上騎都尉

□□

右題版授異州長史彭處信唐六典云長史掌貳府
州之事以紀綱衆務通判列曹歲終則入奏計又處
信息名阿毛案毛卽三字海篇云蠻人呼參爲毛轉
聲爲三今山東沂州府費縣有毛陽鎮行唐縣西有
毛趙村皆呼作三澄虛觀無攷

張嵩等題名

第三層六
行正書

故安州安陸縣主簿張嵩息酸母邢前定州安平縣令
女

周毛郎田妻息阿伏妻伏息懷禮息待封劉伏女法滿

禮息阿琛 封女阿觀二娘

邢仁贊妻息雲騎尉崇寂張息雲騎尉崇真常息雲騎

尉崇福 女娘子 孫男思訓 師子

彭大通妻息文暹妻暹息都督 達孛 女齊勝 不

弱

邵毛道妻息守懋邢女他兒 懋女羅兒

徐德表 妻 息園應 妻 息何應 妻 息口靜 妻 息仁愛 妻 息仁重 妻 張

息仁海 女王妃 智慧

右題名張母那為前定州安平令女案元和郡縣志定州屬河北道管縣十無安平縣安平屬深州新書地理志云深州武德四年以定州之安平瀛州之饒陽置尋徙治饒陽貞觀十七年州廢縣還改屬先天二年以瀛州之饒陽冀州之鹿城下博之武強定州之安平復置據此知貞觀十七年已後先天二年以前安平為定州屬縣至乾元元年重置深州安平始還故屬題名在武后時安平正屬定州適相符合益信三門樓之造於如意年中其言為不誣也

暉妻鄭等題名并供養象

第四層六行左
三行左行正書

女三娘

女四娘

女六娘

太女曰三

融妻馮

暉妻鄭

右題名下各刻婦女象一北向曰暉曰融者卽此柱
東面末層之李敬暉兄弟也此其妻女姓名耳。以
上三門主題名三層供養象題名一層凡四層在柱

西面

三門主李師利等題名

第一層行數字數不等三門主三大字正書餘行書

三門主大字一行居
中在題名上

版授懷州長史李師利妻息前朝鮮郡王府系軍文晟

妻息雲騎尉伏道張妻息騎都尉任重劉以上

上柱國版授陝州硤石縣令後授陵州司馬趙行滿妻

妻息右翊衛遠拓田非息左翊衛遠慶妻張拓息楚珪慶

以上息楚珪三字在後一行成時下

鄧州魯山縣丞靳孝虔妻息楚客妻息魯客妻楚息成

且息成發息成基客息成慶成暉以上

彭懷惠妻馬息全保妻保息方朔

賈客生妻和息神威

路仁惠妻高息守貞

妻賈息守忠妻郭

貞息嘉祥忠息元暎

貞女大娘二娘三娘四娘以上六行一列

韓仁德妻彭息待貧妻張息待封息珠璣妻

息楚王楚威賓息守廉璜息守務以上二行一列在方

上騎都尉劉文徽

妻周息清太息帶

劬太息知梯息

知誨劔息毛兒以上四行一列在守貞下

鄭法護妻彭息知礼妻馮礼息淨

限息知權 李道買妻王息生子

妻何生息元珪元鳳女大娘二娘三

娘四娘五娘六娘以上四行一列在文徽下

右題名有版授懷州長史李師利上柱國版授陝州

硤石縣令後授陵州司馬趙行滿舊唐書武后紀云

嗣聖元年二月戊午廢皇帝為庶人立豫王旦為

皇帝大赦天下改元文明新書云賜文武官五品已

上爵一等九品已上勳再轉老人版授官賜粟帛三

門樓造於如意中李趙二人疑即此時版授趙之上

社國是其本有之官故其子得選充胡衛所云後授
陵州司馬者蓋武后自文明稱制嵩嶽登封每遇改
元及國家大典內外官必轉階賜爵此皆是文明後
遇恩逢授之虛號三門樓讚謂三門樓造於如意年
中則趙之加授司馬亦當在如意以前又列銜有鄆
州魯山縣丞靳孝虔據元和志新書地理志皆言武
德四年於魯山縣置魯州貞觀元年州廢以縣屬伊
州八年改伊州爲汝州縣仍屬焉無割隸鄆州事蓋
地志之漏畧矣又師利息文晟列銜前朝鮮郡王府
參軍唐六典王府參軍事二人正八品下掌出使及
雜檢校事案唐封朝鮮郡王者惟高麗國王高藏祖

孫二人舊唐書高麗傳云總章元年十一月李勣拔平壤城虜高藏等十二月至京師獻俘授藏司平太常伯儀鳳二年授高藏開府儀同三司遼東都督封朝鮮王居安東鎮藏至安東潛與靺鞨相通謀叛事覺召還配流邛州永淳初卒垂拱三年又封藏孫寶元爲朝鮮郡王此稱前朝鮮郡王府參軍爲其祖孫府僚無可疑議爲藏爲寶元未知孰是又列衛有左翊衛右翊衛案唐六典左右衛有親府勳一府勳二府翊一府翊二府等五府中郎將各一人掌領其府校尉旅帥親衛勳衛之屬以宿衛而總其府事又左右驍衛左右武衛左右威衛左右領軍衛左右金吾

衛左右羽林軍皆有左右翊中郎將府各設中郎將
 一人領其府事人數品秩如左右衛又太子左右衛
 率亦有親勳翊三府又六典云凡左右衛親衛勳衛
 翊衛通謂之三衛擇其資蔭高者為親衛取三品已
已上孫其次者為勳衛及率府之親衛四品孫
為之其次者為翊衛及率府之勳衛四品孫
會孫其次者為翊衛及率府之勳衛四品孫
為之其次者為諸衛及率府之翊衛
孫及國公之子為之其次者為諸衛及率府之翊衛
五品已上並柱國若右封爵兼帶職事官為之
散官五品已上子孫為之凡三衛皆限年二十已上云云趙行滿
 列衛為上柱國比正二品故其子得為左右翊衛耳

米山口題名

第二層行書
二行在右方

梁州盤和縣上輕車都尉米山□

妻安息羊兒妻李女大娘羊女淨光

右米山□列銜稱梁州盤和縣上輕車都尉和字卽
行書和字兩唐書地理志山南道梁州無盤和縣案
元和郡縣圖志隴右道涼州天寶縣本漢番禾縣屬
張掖郡北涼沮渠蒙遜立爲番禾郡後魏太武帝平
涼罷郡置軍開皇三年改爲縣皇朝因之天寶中改
爲天寶縣亦見兩書地理志番禾前後漢後魏隋志
太平寰宇記皆作番和則知作禾字者誤又漢書地
理志如淳曰番音盤則番盤乃同聲相假字盤和卽

貞觀元年改爲監龍朔二年改爲司成館咸亨元年
復爲國子監光宅元年改爲成均監神龍元年復爲
國子監新唐書選舉志云國子學生三百人以文武
官三品已上及國公子孫從二品已上曾孫及勳官
二品縣公京官四品帶三品勳封之子爲之太學生
五百人以五品已上子孫職事官五品封親若三品
曾孫及勳官三品已上有封之子爲之四門學生千
三百人其五百人以勳官三品已上無封四品有封
及文武七品以上子爲之八百人以庶人之俊異者
爲之諸學生通二經俊士通三經已及第而願留者
四門學生補太學太學生補國子學國子監改爲成

均監在武后時至神龍初始復故名三門樓造於如意中正國子改爲成均之後此稱成均正相符合惟仁瓚之祖係縣令父爲州錄事兄僅昭武校尉成主於唐制不應充國子學生豈其曾祖位亦顯達援從二品已上曾孫之例得人成均歟或始以俊士充四門學生通三經已及第願留習業由四門而薦補成均歟是皆不可知矣又列銜左豹韜衛長上唐六典左右威衛注云隋初置領軍府煬帝改爲左右屯衛皇朝因之龍朔二年改爲左右威衛別置左右屯衛光宅元年改爲左右豹韜衛神龍元年復爲左右威衛舊唐書職官志諸衛長上各二十五人從九品下

又題名稱文園息仁則爲西王母觀道士元和郡縣
圖志恒州平山縣有房山一名王母山在縣西北五
十里漢武帝於此山上立祠今王母觀是也太平寰
宇記鎮州平山縣有房山引隋圖經云嶺上有王母
祠甚靈俗號爲王母山後漢章帝元和三年幸趙祠
房山卽此在縣西北五十里新唐書王鎔傳云房山
有西王母祠鎔數遊覽踰月不還新五代史王鎔傳
云鎔與道士王若訥留遊西山登王母祠每出踰月
忘歸漢書地理志蒲吾縣有鐵山卽房山亦曰西山
胡三省通鑑注云鎮州西山謂之房山上有西王母
祠王母祠蓋卽王母觀也

三門主路待賓等題名

第二層刻佛象無題字此在第三層成行感造象題名右側二行行書

三門主路待賓范息仙之暉之妻王 暉妻張 息希昭

希良 希逸 女什七娘 暉息希光 希嶠 女

什口娘

成難及等造象刻經題名并供養象

第三層刻象題名六列上二列每列象四題名四行下三列每列象五題名四行柱右棧題名二行左行

並正書

及女比丘尼法滔尚

感女比丘尼阿伴尚

忠女比丘尼淨心尚比丘尼淨愛尚

息善直

王妻

息鄉長善言

董妻

以上

來息行褒妻趙

息公士行通妻趙

息行感

妻賈

息行滿

直息奴奴

妻張

言息公士相卿妻周

息公士珍寶妻故

息

公士靜寶妻李

以上一列

右題名列銜有稱鄉長者唐六典云百戶為里五里為鄉兩京及州縣之郭內分為坊郊外為村里及村坊皆有正以司督察四家為鄰五家為保保有長以相禁約注云里正兼課農桑催驅賦役兩唐書職官志同而不見鄉長名目通典云大唐凡百戶為一里里置正一人五里為一鄉鄉置耆老一人以耆年平謹者縣補之亦曰父老貞觀九年每鄉置長一人佐

二人至十五年省又有稱公士者案漢書百官公卿
表爵一級曰公士後魏書高祖紀太和十七年以皇
太子立詔賜民爲父後者爵一級爲公士又宋史職
官志端拱二年賜諸州高年一百二十七人爵公士
景德中福建民有擒獲強盜者並賜公士又雲南安
州唐河東州刺史王仁求碑銘署長子具官新昌
縣開國子公士王善寶自書是公士之爵自漢迄宋
相仍不改而唐以前史或不詳則史書之漏略賴金
石以存古制者正不尠矣

僧惠晉等題名

在第一第二層左旁柱棖上六
列每列三行末一列二行行書

僧惠習 僧慈光 僧耆騰以上一列 僧思習 僧貞覺

僧惠岸以上一列 梁彦方 楊洪礼 吳師靜以上一列

王敬崇 張思順 傅師以上一列 楊景之 李欽亮

王山以上一列 李仁表 劉開朗以上一列

右題名僧人中有名惠習思習者玉篇習俗辨字宋

景文筆記曰北齊時里俗多作偽字始以巧言為辨

至隋有柳習其字又以取易巧矣案今本北史柳習

傳習亦作習又磁州響堂寺隋造象有李君習唐書

禮樂志有將作大匠康習素蓋習本作習後譌作習

又作習此又作習譌以傳譌無足深究又韻字玉篇

丑小切山兒

佛說般若波羅蜜多心經

第二層十七行
行十九字行書

經文不錄

田伏寶造象刻經記

第三層記刻佛像下人行行字不等兩旁為田思禮夫婦題名各刻供養象一乾元元年四月五日造並行書

清信士田思禮供養

弟子田伏寶為先亡父兄見存母弟往為門虧十善不樹福緣姪巖殞命於同羅女子爰辯於白日虔心告佛罄志歸依敬就三門石柱刊阿弥陀佛蜜多心經以乾元元年四月五日鐫鏤功畢素海有改變遷移經像固

存乎不朽合家眷屬法畀有緣同霑斯福

夫人彭氏供養

右記云姪巖殞命於同羅女子友舜於白日友疑卽
哭字言其女爲同羅所掠也新唐書地理志羈縻州
有龜林都督府貞觀二年以同羅部落置隸安北都
護府又北狄傳同羅在薛延陀北多覽葛之東距京
師七千里而羸勝兵三萬貞觀二年遣使者入朝久
之請內屬置龜林都督府拜酋俟利發時健啜爲左
領軍大將軍卽授都督安祿山反劫其兵用之號曳
落河者也曳落河猶言健兒云又安祿山傳祿山陰
有逆謀養同羅降夷契丹曳落河八千人爲養子史

思明傳天寶十五載思明再陷常山蓋思明兩陷常山同羅部必從其肆虐記中所云大約卽記城陷之事又記右方有清信士田思禮供養左方有夫人彭氏供養并供養象各一案禮卽伏寶父彭卽其母也見此柱東面第三層題名內

彭思賓等題名并供養象

在第三層右旁柱棧上四人名作兩列思賓下無刻象餘各刻象一

武騎尉彭思賓 妻母孫

禮息僧寶 僧妻趙

右題名稱禮者卽田思禮云妻母孫卽僧妻母也武騎尉彭思賓疑卽思禮夫人彭氏之族唐六典勳官

一轉爲武騎尉比從七品

李嘉璉弟嘉賓造象題名

在第三層左旁柱棧上題子五行
行書在佛象下題名下列造象一

李嘉璉弟嘉賓爲亡息敬造此行在田伏寶
造象記左旁

觀世

音菩

薩供

養

□□希庄賓□□□□希□

右李嘉璉弟李嘉賓造象題名爲其亡息薦福而作

嘉璉兄弟名又見此柱北面第二層蓋同時所造也

佛說金剛般若波羅蜜多心經

第四層十八行
行字不等正書

經文不錄

李加璉刻亡息希庄供養象題名

在第四層左旁
柱梭上行書

李加璉為

亡息希庄

佛象并題名

第五層題字二行
在佛象下正書

解慧寺主僧道巖

周從直亡過息品子子泉

比邱僧從微題名并供養象

在第五層右旁柱棱上一行正書名下刻象一

比丘僧從微

周思聞女題名并供養象

在第五層左旁柱棱上一二行正書象二在題名下

周思聞女比丘尼法滿

周思聞女比丘尼法因

右題名稱周從直亡過息品子子泉從直名見柱西面第五層題名內卽此層柱棱上思聞之子也思聞之祖父銜名見柱東面第五層新唐書選舉志云凡用蔭一品子正七品上二品子正七品下三品子從

七品上從三品子從七品下正四品子正八品上從
四品子正八品下正五品子從八品上從五品及國
公子從八品下凡品子任雜掌及王公以下親事帳
內勞滿而選者七品以上從九品上敘其任流外而
應入流內敘品卑者亦如之九品以上及勲官五品
以上子從九品下敘贈官降正官一等死事者與正
官同郡縣公子視從五品孫縣男以上子降子一等
勲官二品子又降一等又云武選凡納課品子歲取
文武六品以下勲官三品以下五品以上子年十八
以上每州爲解上兵部納課十三歲而試第一等送
吏部第二等留本司第三等納資二歲第四等納資

三歲納已復試量文武授散官唐六典云贈官降正
官一等散官同執事若三品帶勳官者卽依勳官品
同職事蔭四品降一等五品降二等案後從直列銜
爲兵部常選及吏部常選兵部常選之名新書宗室
諸王世系表宰相世系表及唐諸石刻中多有之史
不詳其說今據常選之見於唐六典唐會要者攷之
知唐制吏兵二部選人有放選優與處分者其非優
與處分者則謂之常選猶依常例銓選之意從直子
稱品子而不曰某品子蓋從直聽選兵部尚未得官
故渾其名曰品子若列銜著某品子某品孫某品曾
孫者皆其子若孫宜蔭敘而猶未得官之稱○以上

柱主題名一層心經二卷二層造佛象題記二層凡五層在迤南門樓中間大門西首柱上南向一面

晉州惠本寺法師義恭等題名

第一層十二列第一列二行末
一列三行餘每列十一行行書

晉州惠本寺僧法師義恭以上二行一列大字在諸人題名上中間僧師

僧惠慕 僧道安 僧仁義 僧園智 僧相寶

僧仁基 僧口琳 僧智琮 僧明湛 僧蓮盛以上

僧道巖 僧智皎 僧智暉 僧阿難 僧貞暉

僧慈敏 僧惠敏 僧普明 園璋 周智岸以上

趙行矜 李法義 張象仁 劉惠昉 周元祥 李

道深 李思忠 溫無泰 游園衷 趙超岸 彭九

思以上 新仁 劉園亮 魏國 成海僧 趙

信範 樊行恭 彭待問 彭儒誨 楊存信 靳君

雅 彭龍威以上 田德備 董祖德 張思泰 趙

子文 王惠威 史彥基 郝廣憲 郝廣慈 成文

德 彭嗣方 彭大威以上 彭懷則 周行果 徐

季欽 李大壽 彭湯漢 張行仁 張仁靜 王園

素 致之光 趙小惠 趙智惠以上 周世武 謝

崇基 蘇霽基 劉光祿 刑君通 張智過 馬允

貞 郭僧奴 楊幼林 趙才英 畢義本以上 呂

百奴 劉園弼 劉文慶 劉園亮 劉文徽 張園

基 王思誨 劉霽換 劉威則 張霽亮 馬世將

卷之五

以上一列 安思恭 安惠贊 羅園德 韓善行 王全

古 張僧倫 彭行滿 董欽則 孫悛子 梅崇本

周善住 以上一列 王文協 梁賓 王圍 李太 賀

行端 賈元節 賈守節 徐孝才 竹元貞 馬元

礼 以上一列 北都并州客等 薛園德 息元禮 息元

貞 息四郎 息五郎 息元簡 傅行誠 檀九思

王石買 息禮惠 梁震珪 徐孝才 張神亮

息園靜 程園謐 高知覽 賈獻忠 胡敬忠 范

山廓 李思恭 以上兩人一 隰州客 趙餘福

弟餘真 以上一列 呂 此在左方與隰州客同一列

右題名有稱北都并州客隰州客者其人蓋并隰二

州人也稱某州客爲他碑所罕見又題名中別字如
或卽戒孺卽儒邾卽邾之類甚多至如邢作刑乃通
借字耳又有竹元貞元和姓纂云孤竹君子孫以竹
爲氏後漢有竹曾爲下邳相又有擬陽侯竹晏並東
莞人

周從直女比丘尼金果等題名并供養象

第二層四行正
書下刻象四

周從直女比丘尼金果 周智度妻劉 周彥婦妻劉

周善慶妻李

右柱主題名一層造供養象題名一層凡二層在迤
南三門樓中間大門西首柱上西向一面

大柱主劉開榮等題名

第一層行數不等大柱主三大字在柱端中間正書餘行書

大柱主劉開榮

妻新

以上一行

息僧道岸

一行在開榮右方

息

惠感

妻孟妻彭

感息餘慶

妻周

一行居中

息英漢

妻彭

漢息

餘

阿

一行在開榮下左方

佛說般若波羅蜜多心經

第二層十六行十九字行書

經文不錄

李嘉璉母馮等題名并供養象

在心經左柱梭上
二行左行行書

弟嘉賓妻田女光嚴

李嘉璉冊馮女摩□

佛象

第三層

滿子脩德等題名并供養象

在佛象左柱棧

上左行行書

□女□生果果

花嚴

花嚴

滿子脩德

李思太妻趙二娘敬造心經佛象記并供養象題名

第四層記五行左行題名
五行正書下刻供養象六

思太息日新

敬造功畢

軋元元年四月十八日

阿弥陁像一鋪

息日敬造多心經一卷

李思太妻趙二娘為亡過

太妻趙二娘

太女大娘

太女二娘

太女三娘

柱兩棧題名

在第四層柱左右兩棱上右棱三行
下刻象一左棱三行刻象一並正書

太甥生息□岳

□弟希□

太甥生思□以上三行
在右棱

太甥生女十九娘

新妻郝

太甥生女十八娘以上三行
在左棱

周從直等題名并供養象

第五層七行第一行在柱右棱第七行在左
棱自第四行以下係左行正書刻象七

周思聞妻李

周從直妻裴

周從心 妻劉妻張

直息品子子興

直息品子子玉

聞息武騎尉從心

聞息兵部常選從直 此行在柱左棧

右柱主題名一層心經一層供養象題名三層凡五

層在迤南門樓中間大門西首柱上北向一面末層

周從直名已見柱南面末層題名內

劉行善等題名

第一層行數不等正書

前滄州長蘆縣丞劉行善 妻周 息解惠寺都維那僧惠

咬以上一行在息藏玉妻李藏器妻馮女惠口六兒以上一行

在行善
下左方

常善通妻張息味辟妻宋息承賓味女二娘冲兒以上一行

劉善將妻李息仁恭妻姚恭息會璋妻宋鄧子恭女阿龍以上一行

普照璋女阿妃劉知孝妻皇劉文智孫彦昫彦超彦琛彦

祥彦深胡子口女件娘八郎孫女大娘娘子羅子以上一行

劉義嶽妻彭息敬尚敬愛敬仙楚璧女尼惠空惠嚴

備廣上柱國周文朗妻賈女智艷劉阿難妻王女丘玉素以上一行

行

右題銜有前滄州葭蘆縣丞案元和郡縣志河北道滄州管縣七二曰葭蘆葭郎長北朝碑多借用此猶

沿其習又題名中有普照璋後魏書官氏志云獻帝

次兄為普氏照璋當即其後

徐詳念等題名

第二層入

行行書

徐詳念劉妻息仁重女斤惠光四娘 劉懷素斬妻 斤法滿

一行上

劉義園孫妻 劉師倩彭妻 息口封斬妻 息令軌彭妻 二郎張妻

三郎張妻 元昌張妻 斤法藏 彭朗徹劉妻 息義琮劉妻 琮息敬

親以上 二行

郭守一 楊返福 劉园珪 郭嘉瑗 斤口意以上 一行

柴园達彭妻 一行上

斬阿師

妻周

息行起

妻彭

起息文博

妻周

思禮思貞

妻周

以上一行

到行奈

妻王張

息上騎都尉元貞

妻周

貞息思敬女阿姜阿

什以上一行

張世強

妻到

女尼智依

以上一行

右題名有楊返福返字字書無即延字之譌體

禮息伏寶等刻供養象題名

第三層十二行第一行至第三行第九行至十二行並左行行書下刻象六

口丘丘

息希玉

劉庭賓

法息三惠

暉惠通

伏息鸞

鸞嚴

僧息奴子

法寶

禮息

伏寶

禮息

右題名所云伏寶卽田伏寶僧卽僧寶並思禮子見

柱南面第三層

田伏寶等妻女子婦刻供養象題名

第四層十行左行
行書下刻象六

法女十三娘十四娘

子妻馬

十五娘

伏女二娘

僧女大娘

劉大娘

禮女大娘

法妻趙

妻老

伏妻劉

右題名第九行有云妻老而不著某某妻此層係左
行疑卽伏寶之繼室元和姓纂有老姓引風俗通云
顓頊子老童之後左傳宋有老佐

周智度等供養象題名

第五層四行左行
正書下刻象四

慶息上輕車都尉恩聞

祖婦息徐州司馬善慶

曾祖度息上護軍彥婦

高祖上柱國周智度

右周智度等供養象題名其因系從直所造也唐六
典勳官十轉爲上護軍比正三品此面題名五層下

三層有象在柱東西。以上四面爲一柱乃迤南門樓中間大門西首大柱

佛說般若波羅蜜多心經

第一層十六行行字不等
正書第二層佛像無題字

經文不錄

般若波羅蜜多心經

第三層十六行行二十字行書以上
三層柱左右棱皆刻供養象無題字

經文不錄

佛象并柱左右棱題名及供養象

第四層佛象柱兩棱有題名右棱三行
左讀左棱一行並正書下刻象各一

才悲供養

官上護軍馮

河西節度判

以上三行
在右稜

悉女比丘尼口勝供養

一行在
左稜

右造象題名刻柱兩稜上其右稜三行左讀題河西
 節度判官上護軍馮才悉供養唐六典云凡天下之
 節度使有八其四曰河西節度使元和郡縣圖志隴
 右道涼州漢河西五郡地改雍州為涼州五郡皆屬
 焉漢獻帝時以河西五郡去州遠於是以五郡立雍
 州魏分置涼州領河西五郡後魏滅北涼改置四軍
 戎太和十四年復為涼州領武威等十郡周置總管
 府大業三年改為武威郡廢總管武德二年平李軌

改爲涼州置河西節度使天寶元年改爲武威郡乾
元元年復爲涼州廣德二年陷於西蕃舊書地理志
云貞觀元年分隴坻以西爲隴右道景雲三年以江
山欄遠奉使者艱難乃分山南爲東西道自黃河以
西分爲河西道唐會要云河西節度使景雲二年四
月賀拔延嗣爲涼州都督充河西節度使自此始有
節度使之號至開元二年四月除陽執一又兼赤水
九姓本道支度管田等使十一年除張敬忠又加經
略使十二年除王君奭又加長行轉運使自後遂爲
定額新書方鎮表云景雲元年置河西諸軍州節度
支度管田督察九姓部落赤水軍兵馬大使治涼州

領州七涼甘肅伊瓜沙西舊書職官志節度使有行
軍司馬一人副使一人判官二人新書作一人皆天寶後
置文獻通攷云節度使判官二人分判倉兵騎胄四
曹事副使及行軍司馬通署案題名不著年月未識
爾時節度使爲誰據舊書志謂節度判官係天寶後
置則此佛象亦當在園宗西狩之後○以上心經二
層佛象二層一層無題字凡四層在迤南門樓東第
二柱向南一面

節度隨軍攝橐城令張遠等題名

第一層五行左行行書
元和九年七月八日

壬子題

元和九年甲午歲七月八日

前恒府叅軍攝尉鄭漕

前恒府叅軍攝主簿王誥

節度隨軍攝棗城縣令張遠

右題銜書節度隨軍而不著某軍節度下有攝棗城縣令卽係成德軍可知舊書職官志節度使有隨軍四人又題名列銜一云前恒府參軍攝主簿一云前恒府參軍攝尉案唐宗室封恒山王者二人一睿宗惠莊太子攜垂拱三年封改封衡陽郡王後進封申王開元十二年薨一宗子恒王瑒開元二十一年封計二王開府之時下距元和九年有百有餘載之

久知王鄭二人非王府參軍當是恒州大都督府僚
佐元和郡縣圖志河北道恒州大都督府今恒冀節
度使理所唐會要恒州興元六年六月一日升爲大
都督府唐六典大都督府參軍事五人其云元和九
年甲午歲七月八日壬子案舊書憲宗本紀元和九
年六月丙子朔七月丙午朔則七月八日當是癸丑
此作壬子與史不合如以六月爲小盡則七月朔是
乙巳八日卽壬子蓋當時強藩跋扈幾於帝制自爲
卽頒朔一事恐亦有參差不一者王室衰微可勝慨
哉

馮廣敬妻王等供養題名并象

第二層佛象第三層供養象五無題字第四層佛象此在第五層二列上列二行下列五行並正書

雲騎尉馮廣敬

妻王供養以上二行
在上列

比丘尼道海

愆妻張供養

命妻張供養

命妻劉供養

孫母劉供養以上五
行下列

右馮廣敬名已見前此面題名一層佛象二層供養

象二層一層無字凡五層在柱西面

佛象

第一層無題字柱兩
椽皆刻象無題字

成行威等刻供養象題名

第二層二列上列六行前四行左行下刻象三下列
十二行下刻象六柱右椽題名三行上下刻象各二
左椽有象無字

感息□兒供養

息□□供養

信仕成行威

宜安鄉□□村□

忠女比丘尼淨心尚

忠女比丘尼淨□

以上六
行上列

庄息狹□□士應□庄

芬息□宰

以上三行在柱
右椽下列刻象

外士王庭口 上逸 息行因 息口言 三兒

息行言 感妻彭供養 口口妻王 口口忠妻口

口口息下 口妻張 息難度騎 口進王 以上十二行下列

右題名有宜安鄉口口村案府縣志無宜安鄉有宜

安故城在棗城縣西南方輿紀要云宜安城在棗城

縣西南二十五里戰國時趙地史記秦始皇十四年

代趙取宜安又趙將李牧擊秦軍取宜安走其將桓

欒水經注云白渠水又東南逕耿鄉南世祖封耿純

為侯國世謂之宜安城括地志云宜安故城在棗城

縣西南二十五里舊唐書地理志云隋義園元年析

棗城置宜安縣屬鉅鹿郡武德元年隸廉州四年省

入橐城案今橐城縣西南有宜安社卽故宜安縣地
蓋縣廢爲鄉猶存舊號惜村名已磨泐不可辨

敬妻王等供養象題名

第三層佛象二列此在佛象下爲第四層七行下刻象七柱右棧一行下刻象一左棧四行下刻象二並書正

敬妻王供養 一行在柱右棧 命 下 敬女七娘 敬

女什娘 昶女三娘 昶女四娘 外生女什二娘

□□□ 外生郎息進 以下四行在柱左棧下刻象二 庭珪 阿毛

希進 敬息阿太

右題名所云敬昶者卽柱東面之馮廣敬馮元和兄
弟也此與柱南面末層西面第五第六層同時所刻

○以上佛象二層供養象題名二層凡四層在迤南
三門樓東第二柱北向一面

騎都尉馮知命等造佛象題名并供養象

在第四層八行左行正書下刻象五此面第一層刻
佛象二層刻婦女供養象六三層佛象皆無題字

法融

敬女夫隴西李

作郎

敬女夫太原王

命息雲騎尉元昶

廣敬供養

命息雲騎尉

恩騎都尉知命

右題息騎都尉知命而無其父姓名蓋此層與南面
河西節度判官馮才愆題名相並即其子也又題名
有命息雲騎尉廣敬柱西面第五層有騎都尉馮廣
敬當是一人此面刻象凡四層三層無題字在迤南
門樓東第二柱東向一面。以上四面為一柱迤南
大門樓中間東第二柱也最東一柱已佚僅存柱礎

中大三門主題名

在中大三門中間大門柱上橫梁南面北面無字中
題中大三門主合一百八字一行橫梁右端與柱闕
句處刻大周兩大字題
名凡五十行並正書

大周

支君才妻周息文立妻馬立息長卿妻高息客子妻彭
劉師道妻彭息慈順妻王息思元思泰順妻父王燾妻
趙

晉府帳內劉公衡妻靳息思誨妻周誨息阿七十一女
六娘

王敬寶妻范弟騎都尉敬山妻高息陪戎尉念思謹思
誨

飛騎尉張園應妻解息貴德 妻彭德息總章嘉良

劉德感 妻趙 息震節 妻徐 息思慎

齊南遠將軍聶子祥妻段息道相妻謝息神策神劍
縣錄事彭金鋹妻趙息楚璋妻房璋息武騎尉思貞思

均

版授滑州刺史王懷寶妻劉息上柱國國領

馬師武妻元息知元妻李息作仁女二娘全兒

周師行妻楊息法起法濟義節燕客義國女毛奴

徐名雋妻劉息義賓思運思讓思敬思哲賓息隨善

待貢

待

劉阿感妻鄭息同基妻彭義則妻彭義國妻彭

高義新妻嚴息雲騎尉幼興雲騎尉仁敬飛騎尉崇敬

女
四娘

新後嗣妻素息國道國藝、妻張藝息行迪行叔行贊

蘇君言妻劉息縣錄事善通妻趙女娘子

壽州霍山縣丞倪基妻趙息將仕郎若冲麟臺缶字若水

舒州太湖縣丞上騎都尉倪公淹妻張息令則

趙仁遇妻靳息元揆元吉雲騎尉元志姊二王妹阿素

本縣博士上騎都尉王神劔妻彭息獻忠獻可

息將仕郎缶藻 節息忠諫 藻息忠誠 此下一行係左行

登仕郎彭山秦 妻蘇 息文林郎缶節

中大三門主合一百

縣錄事張文友妻彭息仁諡女比丘尼五娘小姑

縣錄事柱國靳躬楚妻張息飛騎尉隆福

皇甫文舉妻馮息遠息縣錄事 國濟濟息震靜

欽君廓妻張息行哀行德倉替行謹柱國行簡柱國行均

謝文遠妻彭 息上騎都尉智友上柱國園通、息宣

禮

上柱國謝崇基母欽妻馬息光慶光泰光昭光輔

闕士安妻侯息客師妻劉師息上柱國嘉慶元恪嘉禮

宋相仁妻張息大安志覽妻閻覽息備隱備秦女法瓊

雲騎尉趙義才妻宋息仁重仁卽仁起節妻梁女仙質

范阿買妻趙息道海惠海定法定意雲騎尉惠德

襄州穀城縣丞王德感妻欽息宋州虞城縣丞素惠妻

王阿永妻劉息文幹妻周文忘妻欽忘息孝才上柱國

孝德騎都尉孝哲上護軍孝謙園禮園亮思仁思貞

揚同長妻彭息永徽妻田息園奕妻周 下缺

彭知茂妻周息輕車都尉萬喬 妻 息景琛

武騎尉宋之安妻章息雲騎尉元幹護軍元儻

上騎都尉楊善相妻張息騎都尉待封待躬待微女大

娘

韓士瓌妻馬息如意妻李意息欽賢妻衛賢息思柬

韓維封妻衛息君容妻徐容男守義、妻張女三妃

馮君衡妻李息文藝妻劉文質妻支騎都尉文諗妻王

文園妻恭女戶寶素藝息園瞻妻周園恪園息園團園

靜

高胡子妻劉息行矜妻趙行通妻董通息懷惓懷慶

吳仁感妻和息園智妻綦息嘉祥嘉及業義

吳園爽母和妻馬息嘉遠嘉祚嘉履女歸仁

趙彥通

妻李

息上騎都尉知恭

妻張

息雲騎尉憲

□

妻蘇

縣錄事周法齊妻劉息平州白倏戍主子邑息陪戎校尉

騎都尉元瓌

石承相妻康息知禮妻靳禮息惠舉女惠果惠明

右中大三門橫梁題名以烏絲闌為界每書一行或

空一二三行不等橫梁中間題大字一行云中大三

門主合一百今就題名計之多至二百數十人與一

百之數不合案題名中有齊園遠將軍聶子祥妻段

三門樓造於如意年間上距北齊已百餘年意其子若孫爲之造書其祖父之名於上耳卽此可證題名中凡高曾祖父牽連而書者不必其人之皆存也所云合一百殆就其見存者大數言之耳隋百官志載齊制有鎮遠安遠將軍而無圍遠將軍後魏後周及隋皆有之案北齊書王紘傳天保初加圍遠將軍是北齊亦有圍遠將軍知隋志爲漏略矣題名中有官職者凡五十三人除麟臺正字倪若水外他多兩唐書不載舊書武后本紀光宅元年九月甲寅改尚書省及諸司官名唐會要祕書省龍朔二年二月四日改爲蘭臺其監爲蘭臺太史少監爲蘭臺侍郎丞爲

蘭臺大夫咸亨元年十月二十三日各復舊額光宅
元年九月五日改爲麟臺監等並隨名改神龍元年
復爲祕書省唐六典祕書省正字四人注云掌詳定
典籍正其文字倪若水新舊唐書並在良吏傳案舊
書本傳稱若水恒州棗城人開元初歷官中書舍人
計其登第入仕時當在武后初年正與題名相合其
卽一人無疑惟兩書本傳不詳其父兄名並不言其
爲麟臺正字此可補史之缺又若水父倪基列銜壽
州霍山縣丞息將仕郎若冲新書地理志淮南道壽
州領縣五舊領縣四三曰盛唐本霍山漢灑城縣武
德四年以霍山應城灑城三縣置霍州貞觀元年州

廢省應城潯城以霍山來屬神功元年曰武昌神龍
元年復故名開元二十七年更名又五曰霍山上天
寶初析盛唐別置案倪基之爲霍山縣丞當在如意
以前非天寶別置之霍山也又題名中有支君才舊
唐書孝友傳有支叔才定州人隋末荒饑夜丐食野
中還進母爲賊執欲殺之告以情賊閱其孝爲解縛
母病難叔才吮瘡注藥及亡廬墓有白鵲止廬傍高
宗時表異其家君叔未知是其兄弟否又列銜有曰
舒州太湖縣丞平州白候戍主案太湖卽太湖屬舒
州見唐書地理志太作汰別體字又新書志河北道
平州有溫溝白望西狹石東狹石綠疇米磚長揚黃

花紫蒙白狼呂黎遊西等十二戍而無白候戍蓋地志之疏也唐六典云上戍主一人正八品下中戍主一人從八品下下戍主一人正九品下新書志云每五十人爲上戍三十人爲中戍不及者爲下戍又云戍主戍副掌捍防守禦白候戍之爲上爲中下不可攷矣其他列銜有曰晉府帳內案唐書皇子及宗室封晉王者高宗而外惟敬宗長子悼懷太子普寶應元年封案悼懷封晉之事上距如意已百數十年此當是高宗爲晉王時之帳內然高宗以貞觀五年封晉王十七年立爲皇太子下距武后如意中亦有五十年之久劉公衡爲其帳內此時如在年亦將七

八十矣要之門樓柱主題名一人助緣率皆高曾祖
父牽連書之不必其人之皆存也唐六典親王府官
屬有帳內府帳內六百六十七人掌儀衛又云凡王
公以下皆有親事帳內限年十八已上舉諸州率萬
人以上充之題名中別體字如支作友劉作劉戎作
戎段作段錕作錕鄭作鄭聘作聘戎作戎之類甚多
其他如養卽載卽卽正惠卽臣皆武后所製字。以
上題名在中大三門中間大門柱上橫梁南面

常山貞石志卷五